



HVgo Capetus filius fuit Hugonis magni comitis Parisiensis, qui genus suum ad antiquissimam Francorum & Saxonum familiam referebat. Is à parentibus omnibus uirtutibus educatus fuit. Cum autem anno 986 Lotharius rex Francorum interisset, atque filius eius Ludouicus primò statim regni anno patrè sequeretur, Hugo ille Francorum regnum inuadere statuit. Erat autem tunc Carolus Lotharingiæ dux Lotharij regis frater superstes, qui eo tempore Lauduni cum uxore agebat, atque tanquam legitimus hæres regnum recipere tentabat. Verù Hugo statim copijs collectis, urbem eam obsedit, atque proditione Anshelmi

eius loci Episcopi in urbem acceptus, Carolum cœpit, ac Aureliam in custodiam misit. Itaq; Hugo ea uictoria fretus, regnum Francorum occupauit, atq; magna prudentia administrauit. Hac ratione factum, ut Carolinorum progenies in Francia deficeret, atq; Capetorum familia succederet, quæ per annos ferè sexcentos ibidem rebus præsidens, etiamnũ magna gloria Galliã & Occidentalem Franciam gubernat. Eo tempore in Germania Otto tertius Imperio præsidebat, atq; Gregorij quinti pontificis auxilio Imperium à Francis ad Germanos transtulit, ac Electores Imperij constituit. Id quod nouus rex Hugo, sua sorte contentus, facillè admisit. Sic etiam factum ut Germania & Gallia auulsæ, & legibus & lingua inter sese plurimum discrepare ceperint. propterea Hugonem illum ex Francis oriundum, ultimum in ea terra prognatum inter illustres Germaniæ Heroas connumerare uoluimus, reliquos Galliæ scriptoribus persequendos relinquentes. Cum itaq; Hugo ille annis undecim optimè rebus in Gallia præuississet, tandem moriens, regnum suum, anno circiter millesimo, filio suo Roberto reliquit, qui ob literarum studia, cultum religionis, & pietatis amorem inter sanctos relatus est. Robert. Gag. Aemil. lib. 3. Stumpff. lib. 3. Gall.